

S Bersntoler Kulturinsitut suacht mitòrbeter: an konkurs ont a selesion

Due importanti selezioni presso il Bersntoler Kulturinstitut per la ricerca di un coadiutore alla lingua veicolare nella scuola dell'infanzia e di un assistente ad indirizzo museale. La presentazione delle domande deve avvenire entro oggi, per la prima selezione, ed entro venerdì prossimo per la seconda.

S Bersntoler kulturinsitut hôt ausgaleik an bando ver za nemmen au mentschn as barn òrbetn en Bersntoler kulturinsitut ont en de sitzn van Bersntoler museum ont en kindergòrtn. Sechber de regln ver za nemmen toal en earste konkurs. Men suacht an mitòrbeter ver de museen van Tol. Der konkurs ist ver an fischetn plòtz va 36 stunden de boch, kategori C. Ver za nemmen toal en konkurs, de kandidatn miasn hom almen 18 jor, der diplom va hoaschual ont òndra titln (tsunt sai', lem en Blaschlònt oder en Eu, meing gea' za stimmen ont asou envire). De amministrazion mu gea' za kontrolliarn de titln van an iatn toalnemmer ont de sèlln as hom s versicher va de bersntoler sprochen kemmen auganommen vour de òndern. De sèlln as sai' enteressiert meing ogem de vrog en Bersntoler Kulturinsitut vour en vrait as de

19 van doi mu'net za mitto. Men mias ausvilln ont unterschraim der modell as men vinnt en internet as de sait van Insitut, derzualeing an dokument van kandidat ont zoln sèll as kimmpp verlònk. Dòra s Institut bart organisiarn der esam as ist gamòcht va zboa prove: tschirm ont klòfft. De kandidatn miasn krieg almen 18 punktn en an iata prova. De temen va de earste prova sai': s gasetz as schitzt de lokaln sprochenminderhaitn, der Dekret 42/2004, elementn va bersntoler kultur ont sprochen, lokal ont regional gschicht, elementn van museen an Alpn ont van tol.v Der resultat va de prova bart ausgaleik kemmen as de internetsait van Bersntoler Kulturinstitut. De temen va de zboate prova sai' de glaichn ont derzua: s kenn van taitsch, abia as kemmen organisiart kulturaleta iniziativn ont s lear en de museen, s gasetz van òllgamoaschöft ont va de provacy. Der doi resultat aa bart ausgaleik kemmen as de internetsait van Institut ont ver za gea' virpai mias men aribarn za krieg 18 punktn. De kommission bart mòchen de graduatoria. De ònder selesion enveze, kimmpp gamòcht ver za nemmen au a mentsch ver za òrbetn en kindergòrtn abia mitòrbeter ver en lear van bersntolerisch. S ist



an plòtz va 24 stunden as de boch, nèt fischet. En doi konkurs aa kimmpp verlònk za hom 18 jor ont der diplom va mittschual zòmm pet òndra titl ver za learnen en kindergòrtn oder almen zboa jor va òrbet za learnen s bersntolerisch en de kinder. De enteressieretn miasn men ogem der modell va de vrog pet òlla de datn, an curriculum vitae ont de dokumentn. De vrog mias ogem kemmen vour hait za mitto en sitz van Bersntoler Kulturinstitut. De prova ver de doi selesion ist lai klòfft ont de temen

sai': s kenn van bersntolerisch ont s lear en de kinder, de gschicht va de bersntoler gamoaschöft, gasetz ver òllgamoaschöft. Ver za gea' virpai, de kandidatn miasn krieg almen 18 punktn. De kommission bart mòchen de graduatoria as gilet drai jor. Ver òndra informazionen as de doin konkursn, mu men u'riaven s de omtn van Bersntoler Kulturinstitut.

LORENZA GROFF

Drai naia òrbetn en Palai as vour sai' en programm van Pnrr ont an nain sitz ver de vraibellega pompiarn en Schandurschl



Druckort PAT

Prendono il via nel Comune di Palù del Fersina tre interventi resi possibili grazie al programma di "Attrattività dei borghi" del Pnrr, finalizzato a rivitalizzare i borghi storici italiani attraverso la rigenerazione culturale e il sostegno a iniziative locali. La consegna dei lavori è avvenuta pochi giorni fa, nell'ambito di un incontro organizzato sul territorio alla presenza del presidente della Provincia autonoma di Trento, Maurizio Fugatti, del sindaco di Palù del Fersina, Franco Moar, del vicesindaco, Adolfo Toller, del presidente della Comunità di valle Alta Valsugana Bersntol, Andrea Fontanari e delle autorità locali. Dalla realizzazione di un nuovo chiosco a servizio di un'area di partenza molto frequentata dagli escursionisti al ripristino di un alpeggio usurpato dal bosco, con malga e agriturismo per migliorare i servizi, la realizzazione di queste opere intende creare nuove opportunità per i giovani e le realtà

locali e favorire il mantenimento e il recupero paesaggistico. E a S. Orsola Terme prendono il via i lavori di realizzazione della nuova caserma dei vigili del fuoco volontari di Sant'Orsola Terme e del nuovo magazzino comunale di Sant'Orsola Terme, un'opera lungamente attesa dalla comunità locale e richiesta dall'Unione distrettuale di Pergine Valsugana per garantire la piena funzionalità del centro locale di protezione civile.

S vòngen u' en de Gamoaschöft va Palai drai naia òrbetn gèltschott en programm "Schea'nekaitn van derver" van Pnrr, pet en rif za gem bèrt en de balschn storische derver turch a kultural vernaier ont untermstutz en de lokaln iniziativn. S ibergem van òrbetn ist kemmen gatu' en mita as de 27 van agest, bail an trèff organisiart asn lònt vour der president va de autonome Provinz va Trea't, Maurizio Fugatti, der pirgermoaster va Palai en Bersntol, Franco Moar, der vicepirgermoaster, Adolfo Toller, der president va de Tolgamoaschöft Hoa Valzegu' ont Bersntol, Andrea Fontanari, ont van lokal autoritet.

De earste òrbet ist de sèll za paun au a struktur ver za verkaven trinkzaig ont èsszaig, zòmm pet an informativpunkt, birt ont bèrt gem en gònze parkplòtz kan Vròttn, ver ungefèr an kost va an milion va euro.

De òndern zboa òrbetn, as sai' s aupaun van an stòll pet ungefèr zboasch vicher (ver 1,4 milionen va euro) ont an pahalter ver za mòchen an agritur (ver ungefèr 1,1 milionen va euro), barn kemmen gamòcht en Fikareim, ungefèr as 1700 metre va heachekait. De zboa struktur barn kemmen ibergem, asou as kimmpp bider lem gem en plòtz, vouraus praucht ver za boan.

De doin òrbetn, van aupaun van nai kiosk as gip an dinst en de vil bònderer as gea' as de pèrng en bider zan plòtz leing de boan inngabòcks van bòlt, pet an pèrg ont an agritur as verpersern de dinstn, belln gem naia moglechkaitn en de jungen ont en de lokaln bèrkn ont bider bèrt gem en derhòltn ont bider ausrichtn va de lòntschöft.

Ont derzua, en Schandurschl vòngen u' de òrbetn ver za mòchen der nai sitz van vraibellegan pompiarn van Oachpèrg ont van nai gamoaschöft van Oachpèrg, an òrbet gabell va lóng van lait ont pfrok va de distrektualunion va Persn ver za versichern as der lokal va zivilschutz guat funktioniert, avai der ist strategik tsechen. De doin òrbetn aa sai' gem kemmen bail as gaben sai' der president va de Autonome Provinz va Trea't, Maurizio Fugatti, der pirgermoaster van lònt ont president va de Tolgamoaschöft Hoa Valzegu' ont Bersntol, Andrea Fontanari, der distrektualinspektor, Mauro Oberosler, der komandant van vraibellega pompiarn van Oachpèrg, Lorenzo Moser, ont der vicekomandant, Stefano Pintarelli. S sai' a toal lait va de gamoaschöft aa gaben, de òrbeter van gamoaschöft ont a toal karabiniarn. Der pau, as en plòtz van òlt magari' va de kooperativ Sant'Orsola gamòcht kemmen bart, tschbinnt vour 2,9 milionen euro, van beiln as 2,1 milionen ver en nai sitz van vraibellega pompiarn praucht kemmen, zolt va de amministrazion durch en de Prensenschutzprovinzalkasse, ont 475 tausnt euro ver en gamoaschöft dernem barn zolt kemmen van Provinzalstrategikgèlt. Der pau ist toalt en drai steck, pet dinstlokaln ont techniklokaln as guat gea' ver de òrbet va òll to van vraibellega pompiarn, s hôt an garage, an gamoaschöft ont an plòtz vour. Der parkplòtz bart drau avn pau kemmen, ont der bart pet armiartnbeon ont holz paut kemmen. De òrbetn sai' gem kemmen en bèrk Basso ont de barn 330 ta tauern.

DE ENTERESSIARET MEING OGEM DE VROG VOUR DE 6 VAN SCHANIMKEAL Der esam ver en kennen s bersntolerisch

La Comunità Alta Valsugana e Bersntol ha indetto la sessione d'esame 2025 per l'accertamento della conoscenza della lingua propria e della cultura della popolazione mochena. Le domande di partecipazione vengono raccolte fino al 6 ottobre.

Pet en dekrèt numer 123 va de 19 van agest, de Tolgamoaschöft Hoa Valzegu' ont Bersntol hôt augatun de zaitn ver za schraim se inn en esam va de bersntoler sprochen.

A vòrt ist gaben de Provinz, ont genau der dinst za untermstutz de lokaln sprochenminderhaitn, za versicher de doin titln. Dòra, pet en Prvinzalgasetzn, 6/2008 sai' gabèckslt de regln ont de kompetenz ist kemmen gem en de Tolgamoaschöft. Ver de ladin der Omt ist der Comun general de Fascia, ver de luserner ist de Magnifica Comunità degli altipiani cimbri. Der esam, as hoast „Esam ver en kennen de aigene sprochen ont kultur va de bersntoler minderhait“,

kimmpp gamòcht va de Tolgamoaschöft a vòrt as jor. S ist a prova as gip de meglechket za krieg an zertifikat va de sprochen. Der esam kimmpp gamòcht almen a vòrt as jor. S schatzn s versichern va òll kategoritritt kimmpp gamòcht no en sèll as paschraip de europeatovl (QCER) tschöffen van Europarot: der esam ist toalt en viar trittn, s hôt der A2, der B1, der B2 ont der C1. Der «Tritt A2», versichert as de kandidatn kennen s bersntolerisch ver de òrbetkategorie A. Der «Tritt B1», kimmpp gamòcht ver de òrbetn en de kategori earste B. Der dritte, «Tritt B2», versichert as de kandidatn kennen s bersntolerisch ver de òrbetkategorie zboate B ont C. Dòra hôt s der «Tritt C1», as kimmpp gamòcht ver za nemmen toal en konkursn ver de òrbetkategorie D. Der leiste ist der esam



ver de sèlln as belln gea' za learnen en de schual ont, zòmm pet en bersntolerisch, de kandidatn miasn mòchen an esam va taitsch aa. Dòra bavai de insertn learer learnen en de kinder taitsch ont bersntolerisch, s hôt aa der «Tritt C1» ver de òrbetkategorie D ont learer pet en versicher van kennen de taitsch sprochen. S ist vourtschaukt lai a klòffeta prova

esam van taitsch. Ober, ver bos praucht men s doi versicher? S gasetz sok as de sèlln as hom der titln, hom de meglechket za kemmen auganommen vour de òndern en de òllgamoaschöft konkursn. Derzua, de learer as belln gea' za òrbetn en de schual oder en kindergòrtn en de Gamoaschöft va sprochenminderhait miasn

ver de ausschaung van tritt A2 ont a tschrimeta ont klòffeta prova ver de tritt B1, B2 ont C1. Ver de learer va de bersntoler sprochen, der tritt C1 schaukt vour an ibersetzung van an tèkst va de balsch sprochen af de taitsch.

De kommission as mòcht der esam ist gamòcht van drai lait, oa'n ist u'ganommen kemmen van Bersntoler Kulturinstitut ont an òndern va de Provinz. S hôt an òndern mittoal as schauk aus der

hom de versicher van bersntolerisch zòmm pet de sèll van taitsch. Being en sèll, kimmpp s gamòcht an esam va bersntolerisch ont an òndern van taitsch. Ver za tea' dös, en de doin struktur kemmen auganommen vour de òndern learer as hom der patentin ver za learnen de minderhaitssprochen.

S hôt a kommission va drai auskennetalait as mòcht der esam. De sèlln as sai' enteressiert za scharim se inn ont za mòchen der doi esam, meing o gem oder schicken de vrog en Omt bou de lait meing se Pravrong va de Tolgamoaschöft vour de 6 van schanimkeal. Òlla de dokumentn me tsechen kemmen as de internetsait va de Tolgamoaschöft en toal va de sprochenminderhait. De kandidatn as schraim se inn miasn hom 17 jor.

LORENZA GROFF